



ბრძანება: ბ73.24221381

თარიღი: 18/05/2022

ააიპ ზუგდიდის მუნიციპალიტეტის „სკოლამდელ სააღმზრდელო დაწესებულებათა მართვის ცენტრი“-ს დაქვემდებარებაში არსებულ სკოლამდელ აღზრდის საჯარო დაწესებულებებში ბავშვის/აღსაზრდელის რეგისტრაციისა და მიღება-ამორიცხვის წესი“ დამტკიცების თაობაზე

„ადრეული და სკოლამდელი აღზრდისა და განათლების შესახებ“ საქართველოს კანონის მოთხოვნათა გათვალისწინებითა და ააიპ ზუგდიდის მუნიციპალიტეტის „სკოლამდელ სააღმზრდელო დაწესებულებათა მართვის ცენტრი“ს წესდების მე-2 მუხლისა და მე-4 მუხლის „თ“ პუნქტის შესაბამისად

#### ვბრძანებ:

- დამტკიცდეს ააიპ ზუგდიდის მუნიციპალიტეტის „სკოლამდელ სააღმზრდელო დაწესებულებათა მართვის ცენტრი“-ს დაქვემდებარებაში არსებულ „სკოლამდელი აღზრდის საჯარო დაწესებულებებში ბავშვის/აღსაზრდელის რეგისტრაციისა და მიღება-ამორიცხვის წესი“ დანართის მიხედვით.
- ბრძანება ძალაშია სელმოწერისთანავე.
- ბრძანება შეიძლება გასაჩივრდეს საქართველოს კანონის „საქართველოს ზოგადი ადმინისტრაციული კოდექსი“ 180-ე მუხლის პირველი ნაწილის და საქართველოს კანონის „ადმინისტრაციული საპროცესო კოდექსი“ 22-ე მუხლის მე-3 ნაწილის შესაბამისად გაცნობის დღიდან 1 თვის ვადაში ზუგდიდის რაიონულ სასამართლოში (მის.: ქ. ზუგდიდი, რ. ლალიძის ქ. N12)

თან ერთვის დანართი 10 ფურცელი

სათუნა თოლორაია

ა(ა)იპ „სკოლამდელ სააღმზრდელო დაწესებულებათა მართვის ცენტრი“-დირექტორი

გამოყენებულია კვალიფიციური  
ელექტრონული ხელმოწერა/  
ელექტრონული შტამპი



ააიპ ზუგდიდის მუნიციპალიტეტის „სკოლამდელ სააღმზრდელო დაწესებულებათა  
მართვის ცენტრი“ს დაქვემდებარებაში არსებულ სკოლამდელ აღზრდის საჯარო  
დაწესებულებებში ბავშვის/აღსაზრდელის რეგისტრაციისა და

მიღება-ამორიცხვის წესი

#### მუხლი 1. ზოგადი დებულებები

1. ააიპ ზუგდიდის მუნიციპალიტეტის „სკოლამდელ სააღმზრდელო დაწესებულებათა  
მართვის ცენტრი“ს დაქვემდებარებაში არსებული სკოლამდელი აღზრდის საჯარო  
დაწესებულებებში ბავშვის/აღსაზრდელის/ რეგისტრაციისა და მიღება-ამორიცხვის წესი  
(შემდგომში-წესი) განსაზღვრავს სსდმ ცენტრის მართვაში არსებული სკოლამდელი  
აღზრდის საჯარო დაწესებულებებში ბავშვის/აღსაზრდელის რეგისტრაციის,  
ელექტრონული რეზერვის ფორმირებისა და მიღება-ამორიცხვის წესსა და პირობებს.

2. წესის მიზანია, ბავშვთა სათანადო განვითარებისათვის და სკოლისათვის  
მოსამზადებლად ძლიერი და მდგრადი სკოლამდელი აღზრდისა და განათლების  
სისტემის შექმნა. სკოლამდელი აღზრდის საჯარო დაწესებულებებში აღსაზრდელთა  
მიღების (რეგისტრაციის), ამორიცხვის (რეგისტრაციიდან მოხსნის), ჯგუფების  
დაკომიტეტების, დამატებითი (შერეული) ჯგუფების შექმნის, რეგისტრაციისას  
გამონავლისი საკითხების დარეგულირება. ამასთანვე, მართვაში არსებული სკოლამდელი  
აღზრდის დაწესებულებების მომსახურების ეფექტიანობის გაზრდა და  
ბავშვის/აღსაზრდელის რეგისტრაციის და მიღება-ამორიცხვის პროცესის გაუმჯობესება,  
სასწავლო-სააღმზრდელო პროცესის განვითარება და ადრეული და სკოლამდელი  
მომსახურების თანაბარი ხელმისაწვდომობის გამჭვირვალე და ყველასათვის  
ხელმისაწვდომი პროცესის უზრუნველყოფა.

#### მუხლი 2. ტერმინთა განმარტება

წესში გამოყენებულ ტერმინებს აქვთ შემდეგი მნიშვნელობა:

- ა) ცენტრი - ზუგდიდის მუნიციპალიტეტის მიერ საქართველოს კანონმდებლობის შესაბამისად დაფუძნებული არასამეწარმეო (არაკომერციული) იურიდიული პირი- ააიპ ზუგდიდის მუნიციპალიტეტის „სკოლამდელ სააღმზრდელო დაწესებულებათა  
მართვის ცენტრი“, რომელიც უზრუნველყოფს სკოლამდელი აღზრდის საჯარო  
დაწესებულებების მართვის პოლიტიკის განხორციელებას.
- ბ) სკოლამდელი აღზრდის საჯარო დაწესებულება - ზუგდიდის მუნიციპალიტეტის მიერ  
საქართველოს კანონმდებლობის შესაბამისად დაფუძნებული არასამეწარმეო

(არაკომერციული) იურიდიული პირის მიერ მართული დაწესებულება, რომელიც უზრუნველყოფს სკოლამდელი აღზრდისა და განათლების მომსახურების ან/და სკოლამდელი აღზრდისა და განათლების მომსახურების მიწოდებას ან/და მხოლოდ სასკოლო მზაობის პროგრამის განხორციელებას.

გ) სკოლამდელი აღზრდა და განათლება – 2 წლის ასაკიდან ზოგადი განათლების დაწყებითი საფუძველის პირველ კლასში შესვლამდე ბავშვის ყოველმხრივი განვითარების უზრუნველსაყოფად მისთვის მიწოდებული სააღმზრდელო და საგანმანათლებლო მომსახურება; სკოლამდელი აღზრდისა და განათლების სავალდებულო კომპონენტია სასკოლო მზაობის პროგრამა საქმიანობა.

დ) სასკოლო მზაობის პროგრამა – სასკოლო მზაობის საგანმანათლებლო სახელმწიფო სტანდარტის საფუძველზე მომზადებული საგანმანათლებლო პროგრამა, რომელიც ხელს უწყობს ამ სტანდარტით დადგენილი შედეგების მიღწევას. პროგრამის ხანგრძლივობაა დღეში 3 საათი;

ე) სკოლამდელი აღზრდის მომსახურება - სკოლამდელი აღზრდის საჯარო დაწესებულებებში უფასო აღზრდა და განათლება 9 საათიანი ხანგრძლივობითა და მომსახურება სამჯერადი კვებით;

ვ) ბაგის ჯგუფი - 2-დან 3 წლამდე ასაკის აღსაზრდელებით დაკომპლექტებული სკოლამდელი აღზრდის საჯარო დაწესებულების ჯგუფი;

ზ) ბაღის ჯგუფი - 3-დან 4 წლამდე და 4-დან 5 წლამდე აღსაზრდელებით დაკომპლექტებული სკოლამდელი აღზრდის საჯარო დაწესებულების ჯგუფი და სასკოლო მზაობის პროგრამის ჯგუფი - 5 წლიდან სკოლის დაწყებითი საფეხურის პირველ კლასში შესვლამდე აღსაზრდელებით დაკომპლექტებული სკოლამდელი აღზრდის საჯარო დაწესებულების ჯგუფი;

თ) ბავშვი - საქართველოს მოქალაქე, უცხო ქვეყნის მოქალაქე, საქართველოში სტატუსის მქონე მოქალაქეობის არმქონე პირი დაბადებიდან „ზოგადი განათლების შესახებ“ საქართველოს კანონით გათვალისწინებული ზოგადი განათლების დაწყებითი საფეხურის პირველ კლასში სწავლის დაწყებამდე;

ი) აღსაზრდელი - სკოლამდელი აღზრდის საჯარო დაწესებულებაში, ჩარიცხული ბავშვი;

კ) მშობელი-ბავშვის/აღსაზრდელის მშობელი, ან კანონიერი წარმომადგენელი;

ლ) ინკლუზიური განათლება – საგანმანათლებლო მიდგომა, რომლის ფარგლებშიც განათლების სისტემა უზრუნველყოფს სკოლამდელი აღზრდის საჯარო დაწესებულებაში ყველა ბავშვისთვის ხარისხიანი განათლების მიწოდებას მათი ინდივიდუალური საჭიროებების გათვალისწინებით, მოუხედავად ბავშვების ფიზიკური, შემეცნებითი, სენსორული, სოციალური, ემციური, ლინგვისტური, ეთნიკური, რასობრივი, რელიგიური, გენდერული თუ სხვა მახასიათებლებისა.

- թ) სპეციალური საგანმანათლებლო საჭიროების მქონე ბავშვი/აღსაზრდელი, რომლისთვისაც საჭიროა სკოლამდელი აღზრდის პროცესის (მომზადების) მოდიფიცირება ან/და ინდივიდუალური მომზადების გეგმის შედგენა და განხორციელება;
- ნ) საკონსულტაციო საბჭო - სასწავლო-სააღმზრდელო პროცესის ხელის შეწყობის მიზნით შექმნილი სათათბირო ორგანო;
- ო) რესგისტრაცია-სკოლამდელი აღზრდის საჯარო დაწესებულებაში სკოლამდელი აღზრდის მომსახურების მიღების მსურველთა ელექტრონული რეგისტრაცია ამ წესის შესაბამისად;
- პ) სასკოლო მზაობის საგანმანათლებლო სახელმწიფო სტანდარტი- დოკუმენტი, რომელიც განსაზღვრავს ზოგადი განათლების დაწყებითი საფეხურის პირველ კლასში შესვლამდე ბავშვის მრავალმხრივი განვითარებისა და სასკოლო მზაობის ხელშეწყობისთვის მისაღწევ შედეგებს და საგანმანათლებლო პროგრამის ხარისხის მახასიათებლებს;
- ჟ) სასკოლო მზაობის პროგრამა - სასკოლო მზაობის საგანმანათლებლო სახელმწიფო სტანდარტის საფუძველზე მომზადებული საგანმანათლებლო პროგრამა, რომელიც ხელს უწყობს ამ სტანდარტით დაგენილი შედეგების მიღწევას;
- რ) მარჩენალდაკარგული - საქართველოს კანონით სახელმწიფო პენსიის შესახებ მე-4 მუხლის პირველი პუნქტის „დ“ ქვეპუნქტით განსაზღვრული პირი;
- ს) მარტოხელა მშობელი - საქართველოს სამოქალაქო კოდექსის 11911 მუხლით გათვალისწინებული მარტოხელა მშობლის (დედის ან მამის) სტატუსის მქონე პირის შვილი (შვილები).
- ტ) მრავალშვილიანი მშობელი - საქართველოს სამოქალაქო კოდექსის 11912 მუხლით გათვალისწინებული მრავალშვილიანი მშობლის სტატუსის მქონე პირის შვილი ან ნაშვილები;

## თავი II

ჯგუფების დაკომპლექტება, ბავშვის რეგისტრაცია და ბავშვის/აღსაზრდელის მიღება

მუხლი 3. სკოლამდელი აღზრდის საჯარო დაწესებულებაში ბავშვის მიღება

1. სკოლამდელი აღზრდის საჯარო დაწესებულებაში ჩარიცხვის უფლებით სარგებლობენ საქართველოს მოქალაქეები, უცხო ქვეყნის მოქალაქეები, საქართველოში სტატუსის მქონე მოქალაქეობის არმქონე პირები დაბადებიდან „ზოგადი განათლების შესახებ“ საქართველოს კანონით გათვალისწინებული ზოგადი განათლების დაწყებითი საფეხურის პირველ კლასში სწავლის დაწყებამდე;

2. სკოლამდელი აღზრდის საჯარო დაწესებულების ჯგუფებში ბავშვის მიღება თავისუფალია:

ა) „მცირე ასაკის“ანუ ( ე.წ „ბაგის“) ჯგუფში 2-დან 3 წლამდე მიღება იწარმოებსცენტრის დირექტორის ბრძანების საფუძველზე შესაბამისი ინფრასტრუქტული პირობების გათვალისწინებით.

ბ) ბადის ჯგუფში 3-დან 4 წლამდე და 4-დან 5 წლამდე;

გ) სასკოლო მზაობის პროგრამის ჯგუფში - 5 წლიდან ზოგადი განათლების დაწყებითი საფეხურის, პირველ კლასში შესვლამდე.

3. განსაკუთრებულ შემთხვევებში, თუ ბავშვზე შესაბამისი სამედიცინო დაწესებულების მიერ გაცემულია ცნობა/რეკომენდაცია ბავშვის ჯანმრთელობის მდგომარეობის გამო, ან/და საქართველოს განათლების სამინისტროს შესაბამისი კომისიის მიერ გაცემულია ცნობა შემდგომი ასაკობრივ განვითარებისთვის ექვს წელზე ზევით სკოლამდელი აღზრდის საჯარო დაწესებულების მომსახურებით სარგებლობის საჭიროების შესახებ (საჯეროალური საგანმანათლებლო საჭიროების მქონე ბავშვები), სკოლამდელი აღზრდის საჯარო დაწესებულებაში შესაძლებელია მიღებულ იქნას ასეთი ბავშვი.

#### მუხლი 4. სკოლამდელი აღზრდის საჯარო დაწესებულებაში ჯგუფების დაკომპლექტება

1. სასწავლო-სააღზრდელო პროცესში მონაწილე პერსონალთან შეთანხმებით, სკოლამდელი აღზრდის საჯარო დაწესებულების ჯგუფებს, ასაკის გათვალისწინებით აღნიშნული წესის შესაბამისად, აკომპლექტებს სკოლამდელი აღზრდის საჯარო დაწესებულების ხელმძღვანელი(გამგე)

2. ჯგუფებში აღსაზრდელთა მაქსიმალური რაოდენობა განისაზღვრება ცენტრის შინაგანწესით, ფიზიკური გარემოსა და ადამიანური რესურსების გათვალისწინებით, ბაგის ჯგუფში არაუმეტეს 25 აღსაზრდელისა, ხოლო, ბაღის ჯგუფში, არაუმეტეს 30 აღსაზრდელისა.

3. იმ შემთხვევაში, თუ მომსახურების მიღების მსურველთა რაოდენობა აჭარბებს სკოლამდელი აღზრდის საჯარო დაწესებულებაში არსებული ადგილების მაქსიმალურ რაოდენობას, მომსახურების მიღების მსურველთა რაოდენობის, სკოლამდელი აღზრდის საჯარო დაწესებულების ფიზიკური გარემოსა და ადამიანური რესურსების გათვალისწინებით, საკონსულტაციო საბჭოს რეკომენდაციის გათვალისწინებით, სკოლამდელი აღზრდის საჯარო დაწესებულების ხელმძღვანელის თხოვნითა და ცენტრის დირექტორის გადაწყვეტილებით, შესაძლებელია ჯგუფში ან ჯგუფებში, ამ მუხლის მე-2 პუნქტით დადგენილი აღსაზრდელთა რაოდენობის გაზრდა. აღნიშნულ შემთხვევაში, აღსაზრდელთა რაოდენობის გაზრდის შესახებ დგება დასაბუთებული მოთხოვნა, რასაც დაერთვება საკონსულტაციო საბჭოს სხდომის ოქმი კონკრეტულ ასაკობრივ ჯგუფში ზუსტი რაოდენობის მითითებით.

4. ერთი ასაკის ბავშვთა არასაკმარისი რაოდენობის შემთხვევაში ცენტრის უფლებამოსილია მომიჯნავე ასაკის ბავშვებისგან ჩამოაყალიბოს მრავალასაკობრივი ჯგუფი არაუმეტეს 15 ბავშვის შემადგენლობით.

მუხლი 5. სკოლამდელი აღზრდის საჯარო დაწესებულების მომსახურების მიღების მსურველთა რეგისტრაცია

1.სკოლამდელი აღზრდის საჯარო დაწესებულების მომსახურების მიღების მსურველთა რეგისტრაცია წარმოებს ელექტორნული ფორმით, ცენტრის მიერ განსაზღვრულ ელექტორნულ მისამართზე.

2.რეგისტრაცია შესაძლებელია შერჩეული საჯარო სკოლამდელი აღზრდის დაწესებულების შესაბამის ასაკობრივ აგუფებში ადგილის არსებობის შემთხვევაში (აღსაზრდელთა ზედა ასაკობრივი ჯგუფებში გადაყვანის, ახალი აგუფის დამატების ან ბალის გასწნის ხარჯზე).

3.რეგისტრაცია შესაძლებელია მშობლის მიერ შერჩეული მხოლოდ ერთ სკოლამდელი აღზრდის საჯარო დაწესებულებაში.

4.სკოლამდელი აღზრდის საჯარო დაწესებულების ჯგუფებში აღსაზრდელთა რაოდენობის გაზრდისას, მსურველთა რეგისტრაციის შესაძლებლობას უზრუნველყოფს ცენტრი.

5.მე-4 მუხლის მე-3 პუნქტის შესაბამისად, ჯგუფებში, აღსაზრდელთა რაოდენობის გაზრდის შემთხვევაში, სასწავლო-სააღმზრდელო პროცესის ხარისხის შენარჩუნებას და აღსაზრდელთა უსაფრთხოებას უზრუნველყოფს სკოლამდელი აღზრდის საჯარო დაწესებულება.

6.შესაბამის ელექტორნულ მისამართზე რეგისტრირდებიან:

ა) ბავშვები, რომელთაც საჯარო სკოლებში სასწავლო წლის დაწყების დღისთვის არ შესრულებიათ 6 წელი;

ბ) ბავშვები, რომელთაც რეგისტრაციის დაწყების თარიღისთვის უსრულდებათ 2 წელი;

გ) ბავშვები, რომელთაც საჯარო სკოლებში სასწავლო წლის დაწყების დღისთვის შეუსრულდათ 6 წელი, შესაბამისი სამედიცინო დაწესებულების ან/და შესაბამისი კომისიის მიერ გაცემული ცნობა/რეკომენდაციის საფუძველზე.

7.სასწავლო-სააღმზრდელო წლის დასრულების შემდეგ, ახალი სასწავლო-სააღმზრდელო წლისთვის რეგისტრაციის დაწყების თარიღი განისაზღვრება ცენტრის მეშვეობით, შესაბამისი სამართლებრივი აქტით;

8.რეგისტაციისას იქსება სარეგისტრაციო ფორმა, რომელშიც რეგისტრაციის მსურველის მიერ სავალდებულოა შეტანილი იქნას შემდეგი ინფორმაცია:

ა)სასურველი სკოლამდელი აღზრდის საჯარო დაწესებულება;

ბ)ბავშის პირადი ნომერი;

გ)ბავშვის სახელი და გვარი;

- დ)ბავშვის დაბადების თარიღი;
- ე)მშობლების(მმობლის) სახელი, გვარი და პირადი ნომერი;
- ვ)მშობლის საკონტაქტო ტელეფონის ნომერი;
10. სასწავლო-სააღმზრდელო წლის დასრულებიდან, ახალი სასწავლო-სააღმზრდელო წლის დაწყებამდე რეგისტრაციის პერიოდიში,რეგისტრაციის უპირატესობით სარგებლობენ:
- ა) ზუგდიდის მუნიციპალიტეტის ტერიტორიაზე 100000-ზე ჭვევით სარეიტინგო ქულის მქონე ოჯახის ბავშვები (სოციალურად დაუცველები);
- ბ) სპეციალური საგანმანათლებლო საჭიროების მქონე ბავშვები;
- გ) იმ ოჯახის ბავშვები, რომელთა შვილი (შვილები) სარგებლობენ იმავე სკოლამდელი აღზრდის საჯარო დაწესებულების მომსახურებით.
- დ) საქართველოს კანონმდებლობის საფუძველზე მარტოხელა და მრავალშვილიანი, შშობლის სტატუსის მქონე შშობლების შვილები;
- ე) „მარჩენალდაკარგული“ სტატუსის მქონე ბავშვები;
- ვ) იმულებით გადაადგილებული ოჯახის შვილები;
11. სასწავლო-სააღმზრდელო წლის დასრულებიდან, ახალი სასწავლო-სააღმზრდელო წლის დაწყებამდე არსებული რეგისტრაცია მიმდინარეობს ორ ეტაპად. პირველ ეტაპზე რეგისტრირდებან ამ მუხლის მე-10 პუნქტით განსაზღვრული უპირატესობით მოსარგებლები უკავებელი ყველა კატეგორიის ბავშვები, ხოლო, მეორე ეტაპზე სხვა დანარჩენი.
12. ამ მუხლის მე-10 პუნქტით განსაზღვრული უპირატესი რეგისტრაციით მოსარგებლები ბავშვების რეგისტრაციის ვადები და სხვა პირობები, განისაზღვრება ცენტრის მეშვეობით, შესაბამისი სამართლებრივი აქტის საფუძველზე.
- 13.რეგისტრაციის დაწყებამდე, გონივრულ ვადაში, ცენტრისს ვებ. გვერდის ან სოციალურ ქსელში არსებული გვერდის მეშვეობით უნდა გავრცელდეს ინფორმაცია ბავშვის რეგისტრაციის, ჩარიცხვის და წარსადგენი აუცილებელი დოკუმენტაციის თაობაზე.
14. სკოლამდელი აღზრდის საჯარო დაწესებულებებში სასწავლო-სააღმზრდელო წლის დაწყების და დასრულების თარიღი, ასევე არდადეგების პერიოდი და ხანგრძლივობა, განისაზღვრება ცენტრის მიერ.
15. ელექტრონული რეგისტრაცია მიმდინარეობს რეგისტრაციის გამოცხადების შემდგომ უწყვეტად ვაკანტური ადგილების შევსებამდე.
16. რეგისტრაციის გამოცხადებამდე ცენტრი უფლებამოსილია მოსამზადებელი ღონისძიებების გატარების მიზნით (აღსაზრდელთა შესაბამის ჯგუფებში გადანაწილება, სკოლაში წამსვლელ აღსაზრდელთა ამორიცხვა, პორტალის გამართულობის

უზრუნველყოფა და ა.შ) სასწავლო-სააღმზრდელო პროცესის დაწყებამდე შეწყვიტოს ელექტრონული რეგისტრაცია, რასთან დაკავშირებითაც გამოიცემა შესაბამისი სამართლებრივი აქტი.

#### მუხლი 6. ელექტრონული რეზერვის ფორმირება

1. ელექტრონული რეგისტრაციის მეშვეობით ვაკანტური ადგილების შეცვების შემდეგ სკოლამდელი აღზრდის საჯარო დაწესებულების მიერ იქმნება ელექტრონული რეზერვი.

2. ელექტრონულ რეზერვში ბავშვის რეგისტრაცია ხდება მშობლის განცხადების საფუძველზე.

3. ელექტრონულ რეზერვში მოხვედრის მიზნით მშობელი ვალდებულებია სკოლამდელი აღზრდის საჯარო დაწესებულებას წარუდგინოს ბავშვის დაბადების მოწმობისა და მშობლის პირადობის ან/და პასპორტის ფოტო ასლი.

4. ელექტრონული რეზერვიდან რეგისტრაცია მიმდინარეობს უწყვეტად, ვაკანტური ადგილის გაჩენის შემთხვევაში, რეზერვის ამოწურვამდე.

5. ელექტრონული რეზერვის ფორმა უნდა შეიცავდეს შემდეგ მონაცემებს:

ა: ბავშვის სახელი, გვარი, პირადი ნომერი და დაბადების თარიღი;

ბ: მშობლის/მშობლების სახელი, გვარი, პირადი ნომერი და საკონტაქტო ტელეფონის ნომერი;

გ: სარეზერვო განცხადების შეტანის ზუსტი დრო, რიცხვის, საათისა და წუთის მითითებით;

6: ელექტრონული რეზერვიდან რეგისტრაცია განცხადების მოხდება რიგითობის მიხედვით.

#### მუხლი 7. სკოლამდელი აღზრდის საჯარო დაწესებულებაში ბავშვის ჩარიცხვა

1.ბავშვის ჩარიცხვა წარმოებს, ელექტრონული რეგისტრაციის შემდეგ, ცენტრის დირექტორის ბრძანების საფუძველზე.

2.რეგისტრაციიდან 10 სამუშაო დღის ვადაში, ხოლო ახალი სასწავლო-სააღმზრდელო წლის დაწყებამდე რეგისტრაციის შემთხვევაში, ახალი სასწავლო-სააღმზრდელო წლის დაწყებამდე 10 სამუშაო დღით ადრე დაინტერესებული პირი ვალდებულია, სკოლამდელი აღზრდის საჯარო დაწესებულებაში წარადგინოს ბავშვის მიღებისთვის აუცილებელი შემდეგი დოკუმენტაცია:

ა) დაბადების მოწმობის ასლი;

ბ) ჯანმრთელობის ცნობა;

გ) ბავშვის 2 ფოტოსურათი 3x4;

- დ) მშობლ(ებ)ის პირადობის მოწმობის ასლი;
- ე) საჭიროების შემთხვევაში, სკოლამდელი აღზრდის საჯარო დაწესებულების მიერ მოთხოვნილი სხვა დოკუმენტაცია;
- ვ) სპეციალური საგანმანათლებლო საჭიროების ბავშვის შემთხვევებში შესაბამისი სამედიცინო დაწესებულების მიერ გაცემული ცნობა/რეკომენდაცია ბავშვის ჯანმრთელობის მდგომარეობის გამო ან/და შემდგომი ასაკობრივი განვითარებისთვის 6 წელზე ზევით სკოლამდელი აღზრდის საჯარო დაწესებულების მომსახურებით სარგებლობის საჭიროების შესახებ.
- 3.დაინტერესებული პირის მიერ, ამ მუხლის მე-2 პუნქტით ვალდებულების შეუსრულებლობის შემთხვევაში სკოლამდელი აღზრდის საჯარო დაწესებულების დირექტორის მოთხოვნით უქმდება განხორციელებული რეგისტრაცია.
- 4.დაინტერესებული პირის მიერ, ამ მუხლის მე-2 პუნქტით განსაზღვრული დოკუმენტაციის წარდგენის შემდეგ, ცენტრის დირექტორი გამოსცემს ბრძანებას ბავშვის სკოლამდელი აღზრდის საჯარო დაწესებულებაში ჩარიცხვის თაობაზე და აღსაზრდელის მშობელთან აფორმებს შესაბამის მომსახურების ხელშეკრულებას.
- 5.სკოლამდელი აღზრდის საჯარო დაწესებულება ვალდებულია უზრუნველყოს აღსაზრდელის მომსახურება, დადგენილი სტანდარტებისა და გაფორმებული ხელშეკრულების შესაბამისად.

**თავი III აღსაზრდელის სკოლამდელი აღზრდის საჯარო დაწესებულებიდან ამორიცხვა და რეგისტრაციის შეჩერება**

#### **მუხლი 8. რეგისტრაციის შეჩერება და ბავშვის/აღსაზრდელის ამორიცხვა**

1.აღსაზრდელის ზედიზედ 10 სამუშაო დღის, ხოლო, თვის პერიოდში 15 სამუშაო დღის განმავლობაში, სკოლამდელი აღზრდის საჯარო დაწესებულებაში გამოუცხადებლობა წარმოადგენს რეგისტრაციის შეჩერების საფუძველს, ხოლო, მომდევნო 5 სამუშაო დღეში აღსაზრდელის მშობლის მიერ, გამოუცხადებლობის საპატიო მიზეზის დამადასტურებელი დოკუმენტის სკოლამდელი აღზრდის საჯარო დაწესებულებაში წარუდგენლობა, ამორიცხვის და რეგისტრაციის გაუქმების საფუძველს. ელექტრონულ მისამართზე რეგისტრაციის შეჩერება ხდება ავტომატურად (მე-10 დღის ან/და მე-15 დღის 18 საათიდან), რომელიც არ საჭიროებს სკოლამდელი აღზრდის საჯარო დაწესებულების დირექტორის გადაწყვეტილებას.

2.სასწავლო-სააღმზრდელო წლის დასრულების შემდეგ, ცენტრის დირექტორი იღებს გადაწყვეტილებას იმ აღსაზრდელების ამორიცხვის შესახებ, რომელთაც ახალი სასწავლო-სააღმზრდელო წლის დაწყებისთვის უსრულდებათ 6 წელი.

11. გამოუცხადებლობის საპატიო მიზეზად შეიძლება ჩაითვალოს აგრეთვე, სხვა განსაკუთრებული შემთხვევა, რომლის საპატიოდ მიჩნევის საკითხს წმინდას სკოლამდელი აღზრდის საჯარო დაწესებულების ანდა ცენტრის დირექტორი.

12. ამ მუხლის მე-2 პუნქტით განსაზღვრული ვადების გასვლამდე, საპატიო გაცდენის დამადასტურებელი დოკუმენტის სკოლამდელი აღზრდის საჯარო დაწესებულებაში წარდგნის შემთხვევაში, არ ხდება რეგისტრაციის შეჩერება.

#### თავი IV დასკვნითი დებულებები

##### მუხლი. 10 დასკვნითი დებულებები

1. ბავშვთა/ადასაზრდელთა რეგისტრაცია სკოლამდელი აღზრდის საჯარო დაწესებულებებში ხორციელებება მხოლოდ ამ წესის საფუძველზე და განსაზღვრულ შემთხვევებში.

2. აღნიშნული წესის საფუძველზე დამატებითი საკითხების განსაზღვრის მიზნით (რეგისტრაციის გამოცხადება, თარიღის განსაზღვრა, რეგისტრაციის შეწყვეტა, დაფინანსება და ა.შ) ცენტრის მიერ გამოიცემა შესაბამისი სამართლებრივი აქტი.